



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 49. Res Ecclesiæ Gallicanæ.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

tamen ordinatus est Episcopus, quia Lu-  
dovicus Imperator volebat, ut prius in  
Depositionem Ebbonis consentiret Papa,  
ad quem hujus negotii causa Godefri-  
dum S. Gregorii in Diocesi Basileensi  
Abbatem misit. Hac Sententia pronun-  
ciata Ebbo remittitur ad Monasterium  
Fuldense, unde post breve tempus edu-  
ctus custodia Fereculfi Episcopi Luxo-  
viensis, & postea Bosonis Abbatis S. Be-  
nedicti ad Ligerim traditur; nam quoad  
Ludovicus Imperator inter vivos egit,  
libertatem consecutus non est.

## §. XLIX.

*Res Ecclesie Gallicanæ.*

Eodem anno octingentesimo trigesimo  
quinto Ludovicus Imperator, illis re-  
bus, quæ ad Religionem spectant, sem-  
per intentus Festum Omnium Sancto-  
rum, quod Romæ jam annis ducentis,  
Bonifacio IV. Auctore, agebatur, Grego-  
rio IV. hortante & consentientibus om-  
nibus Episcopis in tota Gallia & Germa-  
nia die prima Novembris celebrari jussit.  
Verba quæ in Hymno illius Festi recita-  
mus: *Gentem auferte perfidam Creden-  
tium de finibus*, accipienda sunt de Nor-  
mannorum incursionibus, quæ jam tunc  
frequentiores esse cœperant. Eodem  
anno octingentesimo trigesimo quinto  
cum Normanni e navibus suis in Heram  
Insulam

Sæculum IX.  
A. C. 835.

Sigeb. an.  
835.

Sup. Lib.  
XXXVI.  
S. 56.

Chr. Engol.

Sæculum IX. Insulam seu Nigrum Monasterium descen-  
 A. C. 835. dissent, Hilboldus Abbas anno sequente

*Translat.  
S. Filibert.  
to. 5. Act.  
p. 539.*

Pipinum Aquitaniæ Regem adiit effla-  
 gitans auxilium. At rei classicæ peritis  
 visum, hanc Insulam contra piratas non  
 satis defendi posse, sed magis expedire,  
 Corpus S. Filiberti inde auferre; quod  
 eodem anno octingentesimo trigesimo  
 quinto septima Junii executioni datum.

*Sup. Lib.  
XXXVIII.)  
S. 59.*

Exinde hæ Reliquiæ in diversa loca trans-  
 lata. S. Filibertus Abbatia Gemetica  
 Fundator Dagoberti Regis temporibus  
 floruit.

*Sup. to. 14.  
Act. to. 5. p.  
637.*

Ansigisus Abbas Luxoviensis, Fontanellensis, & S. Geremari, Fontanellis defunctus ibidem inter Sanctos colitur. Ex legatis, quæ in suo Testamento scripsisse legitur, liquet, ipsum, quamquam esse Abbas Regularis, Bona propria possedisse, & opulentum fuisse. Siquidem Monasterio suo Fontanellensi libras argentum, & aliis quinquaginta Monasteriis singulis saltem unam argenti libram largitur, erant vero hæ libræ duodecim unciarum secundum marcæ argenteæ æstimationem viginti solidis & duodecim denariis æquivalentes; nam omnis hæc moneta erat argentea. Itaque centum hæ & quinquaginta libræ marcis ducentis viginti quinque exæquantur. Ex eodem Testamento præcipua, quæ illa ætate

*Le Blanc.  
Mon. p. 95.*

ætate extabant in Francia, Monasteria Sæculum IX.  
cognoscimus. A. C. 835.

§. L.

*Hilduini Areopagitica.*

**H**ilduinus S. Dionysii Abbas seditionis  
filiorum in parentem Imperatorem Theg. c. 36.  
consciis aula ejicitur anno octingente- Astron.  
simo trigesimo, suis Abbatiis & Archi- Flod. III.  
capellani Dignitate privatur, & ad Mo- hist. c. I.  
nasterium Corbejæ novæ in Saxonia mit-  
titur. Verum anno sequente Imperato-  
ri reconciliatus, revocatur, & duas i-  
terum Abbatis S. Dionysii & S. Germa-  
ni prope Parisios recipit. Cum Impe-  
rator primo in Ecclesia S. Dionysii Re-  
conciliationem accepisset, & gratum a-  
nimum erga eundem Sanctum aliquo mo-  
numento ostendere cuperet, data ad Hil-  
duinum Epistola præcepit, ut quæcun-  
que de S. Dionysii Actis extarent, tam to. 7. Conc.  
ex ipsius Operibus, ex Græcorum Lati- p. 1577.  
norumque historiis, ex aliis Commenta-  
riis præsertim ex Actis illius Martyrii in Sup. Lib.  
unum corpus colligeret, & Revelatio- XLIII. §. 13  
nem, quam Stephanus Papa in eadem  
Basilica habuisset, cum Hymnis & Offi-  
cio nocturno S. Dionysii adjungeret.  
Tandem ut in alio volumine, quæ de hoc  
sancto viro invenisset (nempe Manuscri-  
pta prima, unde suam Historiam excer-  
peret) omnia congereret.

Jussis